

# **REFERAT MIA - Meeqqanut Ilaqutariinnullu Ataatsimiititaq d. 21-03-2022**

**Mødedato** Mandag d. 21. marts 2022 kl. 18:00

**Mødested** Kommunalbestyrelsesip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Innarluutillit pillugit immikkoortumut pilersaarutip killiffia (2021).....	6
Qimarnguimmi katsorsaанermik neqeroorut.....	10
Sustainable Now.....	13
Lukket.....	15
Taasariaqartut allat.....	16
Imaqarniliap akuerineqarnera.....	18

## **Punkt .: Saqqaa**

### **Ilaasortat:**

Avaaraq S. Olsen (IA) Siullittaasoq  
Naya-Sophia Lyberth (IA) Siullittaasup tullia  
Mia Skifte Lynge (IA)  
Harald Bianco (IA)  
Laura Taunâjik Uitsatikitseq (S)

### **Beslutning**

#### **Peqataasut:**

Avaaraq S. Olsen (IA)  
Naya-Sophia Lyberth (IA)  
Mia Skifte Lynge (IA)

#### **Peqataasinnaanatit nalunaartut:**

Harald Bianco (IA)  
Laura Taunâjik Uitsatikitseq (S)

Sinniisussanik aggersaasoqarnikuunngilaq.

## **Punkt .: Oqaluserisassat akuerineqarnerat**

### **Beslutning**

Oqaluserisassat akuersissutigineqarput.

## **Punkt .: Nalunaarutit**

Siulittaasumiit nalunaarutit  
Ingerlatsivimmiit nalunaarutit

### **Beslutning**

#### **Ingerlatsivimmiit nalunaarutit:**

Myndighedsområdet sulisoqarniarnermut unammillernarpoq, ingerlatsivimmiit misissorneqarporli sooq taamaattoqartoq qanorli pitsanngorsaasinnaasoqarnersoq.

#### **Siulittaasumiit nalunaarutit:**

Ataatsimiitaliami seminarernissaq ulluni 6. og 7. april ingerlanneqassapput.

# **Punkt 1: Innarluutillit pillugit immikkoortumut pilersaarutip killiffia (2021)**

## **Beslutning**

Ilisimatitsissut tusaatissatut tiguneqarpoq.

## **Bilag**

Innarluutillit pillugit immikkoortumut pilersaarummi suliniutit killiffii 2021



## Innarluutillit pillugit immikkoortumut pilersaarutip killiffia (2021)

Ilisimatitsissut

SagsID.: EMN-2021-15157

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Meeqqanut Ilaqutariinnullu Ingerlatsivik – pisortaq Martha Abelsen / MRBL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Ilaqutariinnullu Ingerlatsivik Meeqqanut Ilaqutariinnullu Ataatsimiititamut:

inassuteqaatigaa:

- innarluutillit pillugit immikkoortumut pilersaarutip killiffia tusaatissatut tiguneqassasoq

### Suliamik saqqummiussineq

Innarluutillit pillugit suliaasaqarfimmi suliniutit pillugit ukiumoortumik killiffik pillugu suliaqartoqartarpoq. Innarluutillit pillugit immikkoortumut pilersaarut pillugu ukiumoortumik ilisimatitsissuteqarnikkut innarluutillit pillugit immikkoortumut pilersaarummi aamma innarluutillit pillugit politikimi anguniakkat immikkut erseqqissaatigineqarsimasut anguniarneqarnerisa sulissutigineqarnerat qulakkeerneqartarpoq.

Innarluutillit pillugit immikkoortumut pilersaarut Innarluutilinnut aamma tarnikkut nappaatilinnut Immikkoortortami suliniutinut tamanut naleqqatut atorneqassaaq, politikikkullu anguniakkat qanoq aalajangersimasumik iliuuseqarnikkut piviusunngortinneqarnissaannut atuutilersinneqarnissaannullu saqqummiussisuulluni. Taamaalilluni immikkoortumut pilersaarut kommunimi innarluutillit pillugit suliaasaqarfimmi, iliuusissanut nutaanut ataavartumik tulluarsagassanik pilersaarusernermut aqutsinermullu atugassiaavoq.

Suliffeqarnermut Isumaginninnermullu Ingerlatsiviup ingerlatsiviit allat suleqatigalugit killiffimmik nalunaarsuineq ataqatigiissarlugulu suliarivaa.

Ilanngussami innarluutillit pillugit immikkoortumut pilersaarummi ineriartortinneqartussani qulingiluasuni iliuuserineqartut immikkut killiffii allassimapput. Tulliuttumi 2021-mi suliniutit iliuutsillu ataasiakkaat eqikkarneqarput.

### Innuttaasunut innarluutilinnut sammisassaqaartitsineq

- 2021-mi innuttaasut 34-it OCN-imik ingerlatsinermik naammassinnipput, taakkunani innuttaasut 25-t Nuummeersut qulingiluallu Paamiuneersut.
- 2021-mi oktobarimi innarluutilinnut sapaatip akunneqartitsineq assigiinngitsunik, soorlu aalisariarnermik, nereqatigiinnermik bankortitsinermillu sammisassaqaartitsiviullunilu aqqissuussiffiusoq. iluatsilluarsimavoq
- Nuummi pillorissaasut timimillu sungiusaasoqatigiit peqatigalugit sapaatip akunneri tamaasa ingerlaavartumik sungiusaqatigiittoqarlunilu sammisassaqaatigiittoqartarpoq, taakku sungiusarnermi ataatsimi 1-5 akornanni inuttaqartarput innuttaasullu 5-10-t ilaatigut immikkut sungiusartinneqarsimallutik.
- 2021-mi suliffissaqaartitsinermut tunngatillugu suliniut SIU-TSIU Tasiilami pilersinneqarpoq. SIU-TSIU inuusuttut atugarliortut ilinniakkamik suliffimmiluunniit sulinermik aallartitsiniarnissaannut piginnaangorsaallunilu tapersersuisarpoq. 2021-mi qulit peqataapput taamatuttaarlu siunissami peqataasut quliusarnissaat naatsorsuutaavoq.

### Tikikkuminassuseq aamma innuttaasunut paasititsiniaaneq



- 2021-p aallartinnerani qanigisat peqatigalugit najukkani immikkoortuni aaqjissuussinerit arlallit ingerlanneqarput. Tamannali innuttaasunik ataatsimiititsinerit qanigisallu unnussiuuaaqatigiittarnerisa ikissimaneriniq kinguneqartumik covid-19 pissutigalugu tunullinneqartariaqarsimavoq.
- Tasiilami biiliutsittarnermi pissutsit pitsaanerunissaat kiisalu innuttaasut ataatsimut biiliunneqarsinnaanissaannut periarfissat amigaatigineqarput, assersuutigalugu illoqarfiup timersortarfiani sungiusartarfik, biiliutsinnermi pissutsit angallanermullu periarfissat pitsaannginneri pissutigalugit atornerqarpiarneq ajorpoq.'
- 2021-mi illoqarfiit nunaqarfiillu tamarmik pillorissaasunit timimillu sungiusaasoqatigiinnit angalaqatigiittartunit minnerpaamik ataasiarlutik tikeraarneqarsimapput.

#### Suliffimmi avatangiisit aamma sulisunik ineriartortitsineq

- 2021-mi sullissisut Inuit innarluutillit ikorfartorteqarnissaannut Inatsisartut inatsisaat nr. 13, 12. juni 2019-imeersoq pillugu ilinniartinneqarput. Taamatuttaaq meeqqanut tunngasunik suliassaqarfimmi sullissisut Danmarkimi autisme pillugu ataatsimeersuarnermi peqataapput, ilutigalugulu Refsnæs blindeinstitut pularlugu.
- 2021-p naalernerani OCN Danmarkimit 35-nik peqataasulimmik pikkorissartitsisoqarpoq. Pikkorissartitsineq OCN-imut ilitsersuisutut naammassereersut ataqatigiissaarisullu piginnaangorsarniarlugit ingerlanneqarpoq. Ilitsersuisut naammassereersut malitseqartitsivigineqartarnissaat siunissami annerusumik qitiutinneqartassaaq.
- Immikkoortuni sulisut annertunerusumik siunersuiffigineqartarnissaat ujarorneqarsimavoq. Taamaattumik 2021-mi siunissami immikkoortortat tamarmik siunersiorneqartalernissaat siunertaralugu suliffiup iluani supervisoritut ilinniartumik sulisoqalerpoq
- 2021-mi suliffimmi ilinniakkamik modulikkaartumik, 2022-mi sulisunik ilinniagaqartitseqqinnermik piginnaangorsaaqqinnermillu aallartitsiviusussamik pilersitsisoqarpoq. Ilinniagaq sulisunut ilinniarsimangitsunut pingaarnertut tulluussagaavoq, ilinniarsimasulli aamma eqqarsaatigineqarput.
- Siunissami meeqqat pillugit suliassaqarfimmi ikorfartortinut ataqatigiissaarisup ataani ikorfartuisoqatigiinnik aamma pilersitsisoqassaaq, ikorfartortit taamaalillutik napparsimanermut sulinngiffeqarnermullu atatillugu paarlakaattarsinnaaniassammata.

#### Paaqqinnittarfinni inissaqarneq

- Ataatsimut isigalugu meeqqanut innarluutilinnut atuareernerup kingorna sunngiffimmi neqerooruteqarnissaq amigaatigineqarpoq. Tamanna meeqqanut ukioqatigiiaani arfinilinnit aqqaneq marlunnut ukiulinnut kiisalu aqqaneq marlunnit 17-inut ukiulinnut amigaatigineqarpoq. Meeqqalli ADHD-mik autisemillu nappaatillit sunngiffimmi ornittakkamut Pakkumukarsinnaapput.
- Sullitanut immikkut ittunut soorlu innuttaasunut utoqqarnut eqqarsartaatsimikkut innarluutilinnut innuttaasunullu marloqiusanik nappaatilinnut, najugaqarfimmi ataatsimoorussani uffarfinnik perusersartarfinnillu allanik atueqateqarnissaminut naapertuutinningsunut najugaqarfissatut neqeroorutinik immikkut tulluussakkanik annertuumik pisariaqartitsisoqarpoq,

#### *Ingerlariaqqinnissaq*

Ilisimatitsissut tusaatissatut tiguneqassappat, ataatsimiititat 2022-mi ukiakkut innarluutillit pillugit immikkoortumut pilersaarummut killiffimmik ilisimatitsissuteqarfigineqaaqqissapput.

#### **Ingerlatsivimmit aningaasatigut sulisoqarnikkullu naliliinerit**

Innarluutillit pillugit immikkoortumut pilersaarutip killiffia pillugu ilisimatitsissut aningaasatigut sulisoqarnikkullu kinguneqassanngitsaq ingerlatsivimmit nalilerneqarpoq.

#### **Suliffeqarfirmut Kiffartuussivimmit aningaasatigut naliliineq**



Pisariaqanngilaq.

**Inatsisitigut tunngavissaq allakkallu tunngaviusumik uppersaatitalit**

- Innarluutilinnut politikki
- Innarluutilit pillugit Immikkoortumut Pilersaarut

**Ilanngussaq**

1. Innarluutilit pillugit immikkoortumut pilersaarummi suliniutit killiffii 2021

## **Punkt 2: Qimarnguimmi katsorsaanermik neqeroorut**

### **Beslutning**

Ilisimatitsissut tusaatissatut tiguneqarpoq.

### **Bilag**

Katsorsaanerup nassuiarneqarnera 1.1

## **Qimarnguimmi katsorsaанermik neqeroorut**

Katsorsaariaasissaq nutaaq

Ilisimatitsissut

SagsID.: EMN-2022-02076

Meeqqanut Ilaqutariinnullu Ingerlatsivik – pisortaq Martha Abelsen / MRBL

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- Nuummi qimarnguimmi katsorsaанermik neqeroorut kakkiusaaq tusaatissatut tiguneqassasoq

### **Suliamik saqqummiussineq**

Qimarnguit massakut iluserisaminik 2004-mili atuussimavoq, arnat meeqqallu nakuusernermik eqqugaasut utaqqiisaasumik sumiiffissaqartittarlugit annerpaamik qaammatinik pingasunik sivirususeqarsinnaasartumik. Qimarnguimmi sulisut arnanut inisimasunut tapersuisarsimagaluartut, massakkumut arnanut taakkulu meeraannut ataavartussamik allannguuteqartitsisoqarsinnaasarsimangilaq. Arnat inisimasut amerlasuut arlaleriarlutik qimarnguimmeereersimapput. Ilutigalugu meeqqat inisimaqataasut, arlaleriarlutik katsorsaанermi mininneqartarsimasut Qimarnguip maluginiartarsimavaa. Susassaqarfimmi misilittagarilikkat meeqqat nakuusernermut takunnittuusarsimanerat nammineq nakuuserfigitittarsimanertut ajoqusiitigisinnaasartooq takutippaat.

Qulaani allassimasut tunuliaqutaralugit, arnat meeqqallu nakuusernermik eqqugaasimasut inuunerini ataavartumik allannguisoqarnissaanik anguniagaqarfiusussamik katsorsaariaasiliortoqarsimavoq. Tamanna katsorsaанermik neqeroorummik nutaamik, arnat meerallit nakuusernermik eqqugaasimasut qimarnguimmi qaammatinik arfinilinnik sivirususilimmik ulloq unnuarlu katsorsarneqarnissamat neqeroorummut innersuunneqarfigisinnaasaannik pilersitsinermik kinguneqarsimavoq. Tulliuttut katsorsaанermi anguniagaapput, arnat "nakuuserfiusumi inuuneq"-mit anigunissaannik ikiorserneqarnissaat, arnallu ataasiakkaat nammineq inissisimavimminnik eqqumaffiginninnerulernissaat, qimarnguimmilu katsorsarneqareernermi nakuusernertaqanngitsumik namminersorluni inuuneqalernissap tapersorsorneqarnissaat. Minnerunngitsumillu meeqqap angajoqqaavisalu attaveqarnerini ilaqutariittut nukissaqalluassusermik pilersitsisoqarnissaa.

Katsorsaанermik neqeroorutip sukumiinerusumik nassuiarneqarnera kakkiunneqarpoq.

### **Ingerlatsivimmit aningaasatigut sulisoqarnikkullu naliliinerit**

Suliaq aningaasatigut sulisoqarnikkullu kinguneqassanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq

### **Inatsisitigut tunngavissaaq allakkallu tunngaviusumik uppersaatitallit**

- 2022-mut Missingersuutitut isumaqatigiissut

## **Ilanngussat**

### 1. Katsorsaanerup nassuiarneqarnera 1.1

## **Punkt 3: Sustainable Now**

### **Beslutning**

Ilisimatsitsissut tusaatissatut tiguneqarpoq.

### **Bilag**

2021-mi ukiup affaata siullermut nalunaarusiaq

2021-mi ukiup affaata aappaannut nalunaarusiaq

## Sustainable Now

2021-mut killiffik

Ilisimatitsissut

SagsID.: EMN-2022-01616

Meeqqanut Ilaqutariinnullu Ingerlatsivik - pisortaq Martha Abelsen / MRBL

### Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- Ukiup affaanut nalunaarutit ilanngunneqartut tusaatissatut tiguneqassasut

### Suliassamik saqqummiussineq

Kommuneqarfik Sermersooq 2019-imi Sustainable Now-imik isumaqatigiissusiorpoq. Ukiorpaaluit ingerlaneranni Sustainable Now Tasiilami inuiaqatigiinnik ineriartortitsinermik, aaqqissuussinermik ilinniagaqarnermillu ikiupput.

- Suleqatigiinnikkut siunertarineqarpoq qulakkiissallugu, inuiaqatigiit namminneq minnerusunik annerunerusunillu suliniuteqassasut, ineriartortitsinermut tamakkiisumik isiginninnermik imminnullu napatinnerulernissamik sammivilimmut tapersiillutik. Ineriartortitsinermi siunertaavoq illoqarfimmi meeqqanut inuusuttunullu pitsaasunik atugassanik periarfissanillu pilersitsinissaq. Suleqatigiinnermi pingaartinneqarpoq suliniutit iliuutsillu aallartinneqartut najukkami pigiliunneqassasut. Pingaartumik ataqatigiissitsineq ataavartuutitsinissarlu qulakkeerneqassasoq.

Sustainable Now 2021-mut killiffimmut nalunaarutininik tunniussaqqarpoq, taakku 2021-mi suut suliarineqarsimanersut pillugit nassuiaatinik imaqqarput.

2021-mi ukiup affaanut nalunaarutit marluk ilanngunneqarput.

### Ingerlatsivimmit aningaasatigut sulisoqarnikkullu naliliinerit

Suliaq aningaasaqarnikkut sulisoqarnikkulluunniit sunniuteqassanngilaq.

### Suliffeqqarfimmut Kiffartuussivimmit aningaasatigut naliliineq

Pisariaqanngilaq

### Inatsisitigut tunngavissaq allakkallu tunngaviusumik uppersaaitallit

Tasiilami Suleqatigiippugut pillugu isumaqatigiissutitut allakkiaq

### Ilanngussat

1. 2021-mi ukiup affaata siullermut nalunaarusiaq

1. 2021-mi ukiup affaata aappaannut nalunaarusiaq

## **Punkt 4: Lukket**

**Punkt .: Taasariaqartut allat**

**Beslutning**



## **Punkt .: Imaqarniliap akuerineqarnera**

### **Beslutning**

imaqarniliaq akuersissutigineqarpoq 15:01

